

Letsatsi la Lefatshe la Puisetsogodimo

le Nal'ibali

Kopanela le diketekete tsa batsayakarolo fa re ntse re buisetsa bana ba bantsi ka mo re ka kgonang ka teng leinane la rona le le kgethegileng ka Letsatsi leno la Lefatshe la Puisetsogodimo, ka February 7, 2024 - le ka letsatsi lengwe le lengwe - mme o nne karolo ya go aga bokgoni jwa go bala mo Aforika Borwa! Leinane la rona le le kgethegileng, Katsana e e timetseng le kwadiilwe ke Stacey Fru mme le tshwantshitswe ke Rico. Leinane leno le teng ka dipuo tsotle tse 11 tsa Semmuso tsa mo Aforika Borwa. O ka buisetsa kwa godimo bana ba dingwaga di le 6 kgotsa go feta. Mo baneng ba bannyne, dirisa karata ya rona ya mainane ya Dingwaga tsa ntlha tsa Letsatsi la Lefatshe la Puisetsogodimo.

Ipaakanyetse go buisetsa leinane kwa godimo

- Itse leinane sentle gore o kgone go tlotla gape ka lone kgotsa go le buisetsa kwa godimo ka tsela ya gago.
- Akanya ka se o ka se dirang go dira gore leinane leno le nne le botshelo.
- Swetsa gore o batla go dirisa tebego efe ya sefatlhego le go itshikinya mmele gofe.
- Tlhophia nako mo letsatsing e o ka buang ka leinane leno fa lelapa lotlhe le le mmogo.
- Batla dikarolo tsa leinane tse mo go tsone bana ba lona ba ka nnang le seabe mo go tsone, ka sekai, ba ka dira medumo e e dirwang ke katsana le ntša.
- Ithapisetse go tlotla kgotsa go buisetsa leinane kwa godimo.




Pele ga o buisetsa leinane kwa godimo

- Buisa setlhogo sa leinane. Botsa bana ba gago gore ba akanya gore leinane le bua ka eng.
- Botsa dipotso tse di tla ba thusang go tlhaloganya megopolole maikutlo a badiragatsi mo leinaneng.

Megopolole e re ka buang ka yona: A wena kgotsa mongwe yo o mo itseng o na le seruwa sa mo gae? O ne o tla ikutlwang fa se ne se ka timela? O ka dira eng go leka go bona seruwa sa gago sa mo gae se se timetseng? O ne o ka ikutlwang fa o ne o ka se bona gape?

Fa o ntse o buisetsa leinane kwa godimo

- Fa o ntse o buisa leinane, botsa bana ba gago dipotso ka lone. "O akanya gore go tla diragala eng morago ga seno?" ke potso e ntle go godisa bokgoni jwa bana jwa go bonela dilo pele, e leng bokgoni jo bo botlhokwa mo bokgoning jwa bana jwa go ithuta go buisa le go kwala.
- Dira gore ba nne le seabe mo go direng medumo e e dirwang ke diphologolo.



Dirang maikano a gore lo tla buisetsa kwa godimo jaaka lelapa mo **Letsatsing leno la Lefatshe la Puisetsogodimo** – lo bo lo go dire selo sa letsatsi lengwe le lengwe. Ikwadise mo go www.nalibali.org kgotsa romela lefoko "**WRAD**" ka WhatsApp go **0600 44 22 54**. Lelapa lengwe le lengwe le le ikwadisang le tla kgona go nna karolo ya **loeto la go buisa jaaka lelapa ka Letsatsi la Lefatshe la Puisetsogodimo la Nal'ibali**. O tla fiwa mainane a mangwe le dikakantsho le dikgopolole tsa kafa o ka buisetsang bana ba gago ngwaga otlhe ka gone.

Katsana e e timetseng

Leinane ka Stacey Fru ◎ Ditshwantsho ka Rico

Ka Labotlhano thapama, Neo le Bella ba ne ba tshameka mo tshingwaneng ya ga Neo. Noodle o ne a robetse monate mo letsatsing.



Ka tshoganyetso fela Noodle o ne a tlola mme a simolola go bogola. *Wow, wow, wow!*

Mathata ke eng, Noodle?" Bella a botsa jalo.

Ba ne ba utlwa modumo o mongwe o tswa mo ditlhatsaneng. *Meow, meow, meow!* Katsana e nnye wa mmala wa namune e ne ya tla e gagaba go tswa mo ditlhatsaneng. Bella o ne a ithaganelo mme a e tsholetsa ka kelotlhoko. "Bona sefathegonyana sa yone se sentle se se bopoanyana," a rialo a bontsha Neo.

"Mme e na le kholara e ntle e pududu mo thamong ya yone," Neo a rialo.

Noodle le ene o ne a batla go bona, mme go bogola ga gagwe go ne go tshosa katsana, ka jalo Neo le Bella ba ne ba e isa kwa ntlong.



"Mama, Papa, bonang! Re bone katsana mo tshingwaneng!" Neo a goa jalo fa ba ntse ba tabogela mo teng ga phaposi ya bonno.

"Re akanya gore e timetse, mme e tshwanetse ya bo e le ya mongwe ka gonee e na le kholara e pududu mo thamong ya yone," ga rialo Bella.

Papa o ne a tsholetsa tlhogo a tlogela go leba mo bukeng e a neng a e buisetsa Mbali. "Re tshwanetse go leka go batla beng ba yone. Gongwe ba tshwenyegile thata ka go bo ba latlhegetswe ke katsana ya bone," a rialo.

"Go thari thata go ba batla bosigong jono," Mama a rialo. "Mme kamoso mo mosong re ka dira diposetara tsa katsana e e timetseng mme re di pege. Gongwe mong wa yone o tla bona diposetara tseo."

Fa Mama a ntse a tsamaya le Bella le Noodle go ba isa gae, Neo o ne a bona lebokoso la ditlhako le jeresi ya bogologolo go direla katsana bolao jo bo bothito. Papa o ne a e fepa mme a e naya metsi a a phepa ka sejana se segolo. Go ise go ye kae katsana e ne e kgotse e bile e ile ka boroko.



Ka Matlhatso mo mosong, Bella o ne a fitlha phakela mo mosong. "Ke tlie ka pampiri le dikerayone gore re dire diposetara," Bella a rialo fa a ntse a tlamparela katsana.

"Mma re simolole!" ga rialo Neo.

Fa ba setse ba dirile diposetara di le nnè, Papa a re, "ke akanya gore di lekane. Mma re ye go di pega."

Sa ntlha ba ne ba ya kwa laeboraring go tswa foo ba ya kwa lebenkeleng, mme fa ba le mo tseleng ya go ya gae moagelani wa bone o ne a ba letla go pega posetara mo hekeng ya gagwe. Ba ne ba boloka posetara e le nngwe mme ba e pega mo lomating lwa dikitsiso kwa sekolong ka Mantaga.



Ka Labobedi thapama, Neo, Bella, Noodle le katsana ba ne ba tshameka mo phaphosing ya bonno. *Koo koo, koo koo, koo koo!* Go ne go na le mongwe yo o kokotang.

Neo o ne a taboga a ya go bula kgoro.

"Ke mang, Neo?" Bella a botsa jalo.

Noodle o ne a bogola ka boitumelo.

Medumo eo yotlhe e ne ya tshosa katsana thata jaana mo e leng gore e ne ya sia ya iphitlha kafa tlase ga soufara.

"Oo, dumela," Neo a rialo fa a bona mosetsana yo a iseng a ko a mmone a eme mo kgorong.

"Dumela, ke nna Gina," mosetsana yoo a rialo. O ne a lebega a tshwenyegile. "Ke bone posetara ya lona kwa laeboraring. Ke akanya gore katsana e lo e boneng ke ya me. Leina la gagwe ke Ginger mme o na le kholara e pududu mo thamong ya gagwe."



Pelo ya ga Bella e ne ya ema go sekaenyana. Ruri o ne a batla go itseela katsana eno, mme o ne a itse gore Gina o tshwanetse a bo a ne a tshwenyegile thata ka katsana ya gagwe. "Tsena," Bella a rialo.

Mme fa ba tsena mo phaposing ya bonno, katsana e ne e sa bonale gope. "Nnyaa tlhe!" Bella a rialo. "Ke solo fela gore katsana ga e a timela gape!"

Neo, Bella le Gina ba ne ba batla gongwe le gongwe mo phaposing ya bonno, mme ba ne ba sa kgone go bona katsana gope. Gina o ne a lebega a hutsafetse thata.

Mme ba ne ba utlwa Noodle mo kitshining. *Wow, wow!* Mme ga latela modumo o mogolo wa KGOTLO!

Bana ba ne ba sianela kwa kitshining. Katsana ke ele e dutse fale. E ne ya thula sejana sa yone sa metsi fa Noodle a bogola mme jaanong yone e ne e le metsi.





Bella o ne a e phamola mme a e omisa ka bonako. Morago ga foo a naya Gina katsana. *Purr, purr, purr.* Katsana e ne e itumetse thata!

"Ginger! Ke ne ke go tlhologetse," Gina a rialo a ntse a tlamparetse katsana ya gagwe. Le ene o ne a itumetse thata. "Ke a leboga go bo lo ile lwa mo tlhokomela sentle jaana, Bella le Neo."

"Ke a itumela go bo o bone katsana ya gago," Bella a rialo.

"Mme ke hutsafetse go sekaenyana ka go bo re ka se tlhole re bona Ginger."

Neo o ne a tlamparela Bella. O ne a bona gore o tla tloga a lela.

"Ao tlhe, o se ka wa tshwenyegal!" Gina a rialo. "Ke nna fa gaufi. Lo ka nna lwa tla go etela Ginger nako nngwe le nngwe fa lo batla."

Sefatlhego sa ga Bella se ne sa apoga. "Ke a leboga!" a rialo.

"Nna le Neo re ka rata go eta kamoso thapama."

"Mme gone," Neo a rialo, "Ke akanya gore Noodle o tshwanetse go sala mo gae." Mme mongwe le mongwe o ne a dumela gore gongwe eo ke kakantsho e ntle.



Fa lo sena go buisa leinane mmogo, buang ka se se diragetseng mo leinaneng. Botsa dipotso tse di fatang maikutlo go rotloetsa bana ba gago go akanya le go bua ka megopolu e e amanang le leinane, ka sekai, "Karolo e o e ratang thata ya leinane ke efe?" Fa o na le bana ba ba golwane, ba rotloetse gore ba batlisise mo go oketsegileng ka diruiwa tsa mo gae tse di farologaneng le kata ba ka di tlhokomelang ka teng.



Nna le matlhagatlhaga a leinane!

- ▶ Torowa setshwantsho sa karolo e o e ratang thata ya leinane.
- ▶ Ke eng o sa leke go diragatsa leinane leno kgotsa karolo ya lone le sethophpha sa ditsala tsa gago kgotsa balelapa la gaeno? O ka nna wa ba wa itira e kete o Ginger kgotsa Noodle. Dirisa go itsikinya ga mmele, mafoko le mantswe go dira gore go nne monate!
- ▶ Dira posetara ya seruiwa sa gago sa mo gae kgotsa seruiwa sa mo gae se o ka ratang go nna le sone. Torowa setshwantsho sa seruiwa sa gago sa mo gae. Kwala kgotsa kopa mongwe gore a go thuse go kwala bogolo, mmala le leina la seruiwa sa gago sa mo gae.



Bontsha ba bangwe dinepe le dibidio tsa gago le bana ba gago lo itumelela leinane la Letsatsi la Lefatshe la Puisetsogodimo le dilo tse lo di dirileng mo go #nalibaliwrad2024 mo metswedding ya rona ya dikgang!



TheNalibaliChannel



nalibaliSA



@nalibaliSA



@nalibalisa



@nalibalisa



nalibalisa



The Nal'ibali Trust



+27 64 801 5496

Nal'ibali (ke lefoko la Sexhosa le le rayang "leinane ke leno") ke letsholo le le dirwang mo nageng yothle la go balela monate fela. Se re batlang go se fifitlhelela ke go bona Aforika Borwa e mo go yone ngwana mongwe le mongwe a itumelelang kgang nngwe letsatsi le letsatsi.



Setswana